

Hans Meyer, Markneukirchen

## Unnern Musikinstrumentnmachern

### 1. Na Geingmacher

Dei Handwerk hout na Oafang gmacht  
mit unnrer Industrie,  
dreihunnert Goahr klingt eitz bar uns  
da Geig ihr Meledie.

's woa bastimmt kaa leichter Weeg  
van easchtn Stück bis heit,  
u mancher Kantn truckens Brout  
woa Loah in schlechter Zeit.

Duch niat imsinst is heit Netkirng  
a weltbekannte Stadt,  
dei goute Ärrwatt u dei Gschick  
han duch an Nutz n ghatt.

Da Schnitzer u da Meisl senn  
wöi sinst dei Handwerkszeig  
u unter deiner sichern Händ  
wiad manche goute Geig.

Dös waaß die ganze grouße Welt  
u niat blouß mia douhier,  
dös Aane owa macht aan Sorng:  
dea leere Platz neem dir!

A zweette Werrbänk stöiht wull dou,  
duch ärrwatt kaaner droa,  
u sue koa halt dei Maastersaa  
kaan rechtn Nutz n toa.

U wiad dein Handwerk duch amal  
a Denkmal gsetzt in Staa,  
nu söll dös fei im himmelswill'n  
kaa grauer Grobstaa saa!

In Geengteil söll dei gouter Stamm  
bal neie Blätter treim  
u wieda drei mal hunnert Goahr  
nuch recht lebendig bleim!

### 2. Na Giffarrnmacher

Dei Werkstatt mußt sue mannichsmal  
recht leer u aufgraamt bleim,  
trotz aller Möih woa zeitnweis  
kaa Ärrwatt aufzatreim.

Zan Glück findt aa a schlechte Zeit  
nuch allemal ihr End,  
u nou kunntst zwaa, drei Ghilfm braung  
u doppelt sueviel Händ.

Ba dein Beruf bist ohne Froug  
mit ganzer Sach dabaa,  
duch ärrwast wöi dei Vatta sinst  
daham für diech allaa.

Duat richst di zwaa nouch kaaner Pfeiff  
u bist dei freier Moa,  
duch rechenst deine Stundn zamm  
nou is recht schmol dei Loah.

In mancher Hinsicht bist ja heit  
a bisserl besser droa,  
zan Oreibn, Fräsn u Puliern  
nimmst du heit an Motor.

Wos woa ban Böing oft für a Spuk,  
was gabs dou für an Schwaab,  
dös Luder va ran Eise n woa  
za kolt bal u za haab.

Du owa koast elektrisch böing  
u außerdem mit Gas,  
aff döi Oat macht die Böigerei  
heit wirklich när nuch Spaß.

Sue schafft eitz aa di Technik miet  
u nimma blouß di Händ,  
u wenn döi zwaa gout zammstallier'n  
fehlt nix dein Instrument!